

UNIVERZITET U SARAJEVU

PEDAGOŠKI FAKULTET

STUDENTSKA SLUŽBA

Sarajevo, 7.2.2019.godine

O B A V I J E S T

ZA STUDENTE II CIKLUSA STUDIJA

Član 69. Zakona o visokom obrazovanju Kantona Sarajevo („Službene novine broj: 33/17“), **član 166.** Statuta Univerziteta u Sarajevu (broj: 01-1093-3-1/18 od 28.11. 2018. godine) , **te članovi 52. i 54.** Pravila studiranja za I i II ciklus studija, integrirani, stručni i specijalistički studij na Univerzitetu u Sarajevu broj: 01-1094-1/18 od 12.10.2018. godine **propisuju prijavu, izradu i odbranu završnog rada na II ciklusu studija.**

S tim u vezi, u nastavku se nalazi **Izvod iz Pravila studiranja za I i II ciklus studija**, integrirani, stručni i specijalistički studij na Univerzitetu u Sarajevu broj: 01-1094-1/18 od 12.10.2018. godine, kao i prateći obrasci.

Član 52.

(Prijava teme završnog rada na drugom ciklusu, integriranom i specijalističkom studiju)

- (1) Završni rad se prijavljuje nadležnoj službi putem jedinstvenog obrasca (obrazac: prijava teme završnog rada) koji je sastavni dio ovih pravila.
- (2) Prijava teme završnog rada obavezno obuhvata sljedeće podatke:
 - a. naziv fakulteta /akademije /centra /instituta i katedre/odsjeka,
 - b. ime i prezime studenta,
 - c. broj indeksa,
 - d. naziv i odbrana teme,
 - e. predmet i obrazloženje teme
 - f. osnovnu literaturu,
 - g. mjesto i datum prijave i
 - h. ime i prezime i potpisanu saglasnost mentora.
- (3) Ispunjena i potpisana prijava ovjerava se i odlaže u dosje studenta.
- (4) Vijeće fakulteta/akademije /centra/instituta, na prijedlog katedre/odsjeka, verificira prijavu teme završnog rada studenta i imenuje komisiju za ocjenu i odbranu završnog rada (obrazac: prijedlog komisije za ocjenu i odbranu završnog rada). Mentor rada mora biti iz oblasti iz koje kandidat brani rad, dok članovi komisije mogu biti iz srodne oblasti.
- (5) Prodekan za nastavu i rukovodilac katedre/odsjeka odgovorni su za pravilnost postupka izbora tema za izradu završnog rada.

Član 54.

(Predaja završnog rada na drugom ciklusu, integriranom i specijalističkom studiju)

- (1) Završni rad se predaje mentoru na uvid i pregled. Student je dužan postupiti prema uputstvima i primjedbama mentora.
- (2) Mentor je dužan da pregleda rad i vrati ga sa komentarom najkasnije u roku od četiri sedmice od dana predaje rada, izuzimajući godišnji odmor, bolovanje i druga opravdana odsustva mentora.
- (3) Student nakon završetka rada podnosi zahtjev za ocjenu i odbranu završnog rada putem obrasca (obrazac: zahtjev za ocjenu i odbranu završnog rada) nadležnoj službi po završetku nastave.
- (4) Student uz zahtjev iz prethodnog stava prilaže
 - a. pisanu saglasnost mentora da rad ispunjava kriterije navedene u obrazloženju teme (obrazac: saglasnost mentora),
 - b. pisanu izjavu studenta da je završni rad njegov autentični rad (obrazac: izjava o autentičnosti rada),
 - c. izvještaj iz službe evidencije o ispitima i ECTS bodovima kandidata,
 - d. tri neukoričena primjerka završnog rada-radna verzija.
- (5) Komisija za ocjenu i odbranu završnog rada je obavezna da sačini izvještaj o ocjeni završnog rada (obrazac: izvještaj komisije za ocjenu i odbranu završnog rada) koji daje kratki prikaz rada, postavljeni cilj primjenjene metode, dobijene rezultate i zaključke i dostaviti ga vijeću fakulteta u roku od ne dužem od dvije sedmice od dana prijema radne verzije završnog rada.
- (6) Vijeće fakulteta/akademije /centra donosi odluku o prihvatanju ili neprihvatanju izvještaja komisije za ocjenu i odbranu rada najkasnije u roku od 30 dana od dana njegovog podnošenja i istu prosljeđuje nadležnoj službi.
- (7) Odbrana završnog rada zakazuje se najmanje pet radnih dana od dana donošenja odluke vijeća o prihvatanju izvještaja komisije za ocjenu i odbranu završnog rada.
- (8) Odluka o usvajanju izvještaja dostavlja se studentu, članovima komisije i nadležnoj službi. Datum odbrane završnog rada objavljuje se na veb-stranici i oglasnoj ploči.
- (9) Nakon usvajanja izvještaja finalna verzija rada predaje se u pet ukoričenih primjeraka, kao i elektronska verzija na odgovarajućem elektronskom nosaču informacija.
- (10) Obim, sadržaj i tehničke karakteristike završnog rada definirani su uputstvom za izradu završnog rada, koje je sastavni dio ovih Pravila.

Link za preuzimanje obrazaca:

<http://www.unsa.ba/o-univerzitetu/propisi/pravila-studiranja-za-prvi-drugi-ciklus-studija-integrirani-strucni-i>